

## Ёма-сан да Китай: выльвося гаж

Лёсьодысь: Л.Н. Камбалова  
2019 во.

ворсысьяс: Ёма (Ё.), Лымныв (Л.), Көдзыд пөль (К.П.)

*Челядь чукөртчоны мичмөдөм залын. Юргоны коми сьыланкывъяс.*

*Гажлысь пансьомсө виччисигмоз челядь мичмөдөны водзвыв дасьтөм серпасъяс (открытая), вөчоны чача - мича бумагысь пөнаръяс (мастер-класс).*

*Ставныслөн чукөртчөм бөрын челядьсө отувтөм могысь бать-мамыс нуөдөны «Изки карнан» ворсөм.*

*Ворсгкостыс юргө мича шылад да пырө залө ЛЫМНЫВ.*

Л: Чолөм, челядь! Чолөм, верстьö! Ок и ылөдз тiян серам кылö! Вай, мөвпышти, пыравла, видзөдла, кодi танi дзолъзö. Чайтi, лэбачъяс чукөртөмны да сьылöны, а, вөлөмкö, тi, зонпосни, ворсанныд.

И меным окота лои тiянкöд котралыштны — шонтысьыштны. Öти ворсөм меным ичöt шыр висьталiс: сiдз и шусьö «шыр да пельöс».

Юксям кык мортаөн: гозъяс мед вöли öти ыдждыд морт да ичöt (верстьöыс кö этша, то парасö челядь артмөдöны). Сувталам зал пасьтала, абу быть кытшö, челядь — верстьö водзас. Гырысьяс — тайö пельöсьяс. Найö оз вөрзөдчыны, пыр сулаöны öти местаын, ичötъяс — тайö шырпиян, быдөнлөн аслас пельöс. Ме — кань. Кор каньыс куимысь шуас: «Шырö, шырö, вай мен пельöс!», тiянлы колö местаясөн вежсьыны, а каньлы колö удитчыны сувтны тыртөм пельöсö. Кодi коляс пельöстөм — лоö каньөн, да водзö сiйö нин кывъяссö шуалö.

*Мунö ворсөм (гусьöникөн юргö шылад).*

Л.: Ок и сюсьöсь жö тi. Дзик шыръяс кодьöсь! Ме чайта да и Көдзыд пөльлы лоö интереснö тiянкöд ворсыштны, öд тi, көнкö, сiйöс виччысянныд? Вайö öтвылысь корам, куимысь гораа шуам «Көдзыд пөль!». Öтик, кык...

Юргö шылад. Пырö Ёма.

Л.: Ёма, тэ нö кытысь усин?

Ё.: Ме öни Ёма-сан, ме локта Китайсянь, унатор аддзывли, ставсö тöда. Эн горзöй, эн корöй Көдзыд пөльтö, оз лок. Талунсянь ме лоа тiян наставникөн, быдторйö велöда, ставсö висьтала, кыдзи да кор колö паныдавны Выль во. Со ме аскöд и ЦИ нима крысаöс вайи (*пельном вомөн сумкаын шыр чача пукалö*). Китаечъяс шуисны, мый кодi Цисö кыяс, медся шуда, вежöра да ён мортөн лоö.

Л.: Ёма, эн вай сөр! Тэ тай абу и гөгөрвоёмьд, мый Циён китаечъяс шуöны мортлысь пытшкөсса мичлун да кужöмлун. Тайö быд войтырлы лөсялана, быдөн ассъыс мувыв шудсö корсьö. Тэ вай, бурджык, сёрнияс дорысь кутшöмкö выль ворсөм петкөдлi.

Ё.: Но инö! Меным öти ворсөм петкөдлiсны Шаолинь монастырын. Шусьö «Синтөм чери». Сувтам ставным кытшö, кутчысям киясөн. Пудьясьөмөн бөръям кык мортöс, öтиыслысь синсö көрталам, а мөдыслы сетам кияс мешöк, кодöс и колö мырддыны

«синтём чериыслы». Ставыс вöчсьö кытш пытшкын, сы сайö петны оз позь.

*Мунö ворсöм (гусьöникöн юргö шылад).*

Л.: Ёма-сан, тайö ворсöмыс зэв тай «Синтём горань» вылö мунö. А вай ме öти выль ворсöм петкöдла. Тэ татшöмсö весиг-тö Китайд эн аддзыв! Гожöмнас шойччигöн казялі, кыдзи мазіяс ма чукöртгöн сэтшöма жуöны, мый окота лои на моз лэбалыштны. Ті ставныд лоанныд мазіяс. Мый найö шуалöны? 3-3-3-3!

*(висьталігмоз петкöдлö)* Веськыд ки вылысь чургöдöй индалан чунь (указательный палец), мукöдсö кусыньтöй кабырö. Вайöдöй чуньнытö ныр дорö — тайö мазі ем. Шуйга кинытö дзебöй мыш саяд ки лутшсö (ладонь) веськöдöмөн. Тіян мог сутшкыны нырдорса чуньнад мöд мортлөн мыш сайö дзебöм киö, а ассыныд китö колö видзны. Кодлы чуткасны, сійö чургöдöм чуньсö вывлань лэптö. Ме да Ёма-сан кутам татшöм мазіяссö бурдöдны юрнытö шылькнитöмөн — мед водзö верминныд лэбавны-ворсны. Эм нöшта öти торкавны позьтём индöд — тойлавны, крукавны мöд мортс оз позь!

*Мунö ворсöм (юргö шылад).*

Ё.: Уф, мудзи, жаялі татшöм жуйсьöмсьыс!

Л.: Мый-нö Ёма-сан, фен-шуйтö али мый торким тэнсьыд?

Ё.: Мыйла нö менам эськö феныс шуй? Зэв на и бура юрös мыськöм бöрын косьтö!

Л.: Но, но... А висьтав, радейтöны-ö китаечьясыд нöдкывьясстö тöдмавны?

Ё.: Радейтöны, радейтöны! Торйөн нин Выль во пасйигöн. Вай на ногөн и нöдыштам, ЦИкöд счас велöдам. Ме казялі, мый гаж панігас вöчалöмныд мича пöнарьяс. Найö öні миянлы и ковмасны. Кодлөн эм — босьтöй кияныд. Ставөн сувтам кытшö. Шылад улö кутам мичаа вуджöдавны пöнарьяссö кыысь-киö. Кор музыкаыс лөняс — налөн кодлөн киас кольö пöнарыс и вочавидзöны Лымнывлөн нöдкыв вылö. Но кодкö кö тіян пöвстысь оз тöд вочакывсö, вермö öдйö сетны пöнарсö орччөн сулалысь мортлы, мед сійö тіян пыдди тöдмалас. Видлам китаечьяс моз нöдыштны?

*Мунö ворсöм шылад улö. (Лымныв лыддö нöдкывьяс сьöрсöн-бöрсöн шылад кусöм бöрти).*

Тöвнас войясыд зэв кузьöсь,

Сэки сійö гуын узьö.

Вöрад некор, дерт, оз вош.

Тайö варгыль кока ... (ОШ).

Увтö пöтка, увтö урös,

Овлö, мый и зьверös пурö.

Кыйысьыслы абу дон.

Тайö зэв бур Лайка... (ПОН).

Тöвнас кыдзи муыс эжсьö,

Сідзжö куыс сылөн вежсьö.

Лоö лым кодь еджыд стöч.

Тайö ставсьыс полысь ... (КÖЧ).

Луннас сійö векджык узьö,

Садьмас мыйөн—мысьсö-нювсьö.

Шырьяс кутавны зэв шань.

Тайö уска сера ... (КАНЬ).

Войнас серавлö да буксö,

Кылан—верман усьны пуксөн.

Пельыс ёсь и синмыс сюсь.

Тайö войся лэбач ... (СЮЗЬ).

Гожомын кө сөйө турун,  
Төвнас водзос сетө вурун.  
Баксынысө абу дыш.  
Тайө чикыль гөна ... (ЫЖ).

Төвнас гидын сийө олө,  
Гожомнас жө жарысь полө.  
Няйт гөптысь тэ сийөс корсь.  
Ылөдз руксө кылө ... (ПОРСЬ).

Понлөн кодь жө сылөн чужом,  
Увтчынытө коть оз куж-а.  
Он шу сийөс йөйөн-вөйөн.  
Шөйтө вөрын повтөм ... (КӨИН).

Каньлысь нявзөм мыйөн кылө,  
Өдйө дзебсьө пыдө, ылө.  
Радейтө пө сөйны сыр.  
Тайө ичөт - ичөт ... (ШЫР).

Гожомын да шоныд арын  
Медся зільыс вөрса карын—

Коді эськө сийө вот?!—  
Зэв ичөтик ... (КОДЗУВКОТ).

Бөжыс кузь и гөрдов рөма,  
Пуяс улө чом вөчөма.  
Шыръяс кутавны оз мудз...  
Ставсьыс мудер наян ... (РУЧ).

Вотө тшак да өктө кольяс,  
Төлыс пөтөсөн мед коляс.  
Дзебсяс пуө да оз сюр.  
Тайө пашкыр бөжа... (УР).

Рөдтө- гөнитө зэв сюся,  
Пуксьы доддяс да эн усь-а.  
Көсьян—мышку вылас сөв...  
Татшөм сюсьыс дерт жө... (ВӨВ).

Мыйөн пуыс висьман кольө,  
Сэтысь сийө сөйө лөльө.  
Нырнас тотшкө: тизь да тизь...  
Тайө шань лэбачыс?.. (СИЗЬ).

Л.: Молодечьяс! Ставсө төданныд, вильышпозьяс! Гажөдчыны — гажөдчам, а миян  
вильвося козыйд пыр на шогсьө, оз пөртмась мича рөмьясөн! Мый кутам вөчны?

Ё.: Ме төда! Ме велөда! Сувтам ставным козлань. (*Висьталігмоз, петкөдлө, ставныс  
вөчөны Ёма бөрся*) Киясөн чукөртам ас гөгөрысь став сынөдсө, лолыштам пыдө-пыдө  
да киясөс водзө шыбитөмөн, гораа горөдам коз вылө «У-у-у!». Тайө Китайын шусьө  
«У»-шу»!

Л.: Бара на Ёма, мыйкө кылөмыд да абу и гөгөрвоөмыд! Ушу — тайө боевөй  
искусство. Асьтө мед кужин дорйыны да ёнмөдчыны. Горзөмыд тані оз отсав. Вай  
бурджык Көдзыд пөльөс корам. Челядь, өтлаын вильпөв гораа куимысь шуам  
«Көдзыд пөль!». Öти, кык...

*Корөны Көдзыд пөльөс. Ворсө шылад. Пырө Көдзыд пөль.*

К.п.: Видза оланнды, челядь! Видза оланнды, верстьө войтыр! Кутшөм рад ме виль  
пөв аддзысьны тиянкөд! Быдмөмныд-туөмныд во быдөн. Гажөдчыны воөмныд.

Л.: Чолөм, чолөм, Көдзыд пөль! Отсышт козсө югзьөдны, гажсө водзө нуөдны!

К.п.: Кывлы, кывлы Ёмайдлысь кикимеритчөмсө. Татшөм ногөн горзөмнад гөра  
сайын олысь Войпельөс садьмөдны абу дыр! Ок и велөдысь!

Ё.: Быттьө аслас ыджыд сям, петіс кыськө Пармасынь... (*броткө*) Видзөдлам, кывзас-ө  
тэнө Коз! Тэнад мыйкө артмас оз!

К.п.: Челядь, сувтам мича кытшö, козлань бергöдчам да öтвылысь шуам: «Козйö-козйö, уна биён пöртмась! Öти, кык, куим!».

*Челядь сувтöны, кумимысь тайö кывъяссö шуöm бöрти бияс коз вылын öзйöны.*

Л.: Ок и мича миян коз! Медым выльвося выныс сылөн содас, ёнджык вайö гажöдчам, ворсыштам да сылыштам!

Ё.: Ме тöда, ме тöда... öти йöктöм. Аддзывлі Китайысь. Ставныс выль во дырйи сідзи гажöдчöны! Шусьö «Драконлөн йöктöм»!

К.п.: Кутшöм дракон! Миян войвылын татшöм дивöыс эз вöв! Гундырьяс сöмын мойдын олöны! Вай челядьсö эн повзöдлі! Бурджык «Ёма кок туйсьыд» ворсöд!

Ё.: А тайö йöктöмыс зэв на и матын «Ёма туй» ворсöм дорад! Сöмын ми неуна вежыштам дай! Ме — Ёма-сан лоа Гундыр юрөн. Ставөн сувтам öта-мöд бöрся (мам-бать челядь костö тшöтш!). Ті — менам бöж. А Лымнывöс корам плавгыны миян вылö «гундыр ку» (*нетканка*). Шылад улö тиянлы колö йöктöмөн мунны Гундыр юр бöрся и став менсьым веглясьöмсö повторяйтны. Кöдзыд пöль да Лымныв кутасны видзöдны тиян бöрся — коді оз колана ногөн йöкты, петö ворсöмысь. Вöрзим!

*Мунö ворсöм (юргö шылад).*

К.п.: Но и Ёма! Но и Сан! Быдторйысь тай ШОУ вöчан!

Л.: Вай жö öні коми сыланкыв сылам! Мича козйöс ыдждöдлам! Сувтам ставөн ыджыд кытшö!

*«Коз йылысь сыланкыв» (Кывъясыс экран вылын), Юргö шылад.*

Ё.: Ок и мичаа сыланныд! Менам ЦИ нима шырöй весиг-тö тиян бöрся чипсасис. А Кöдзыд пöльыс нö пöрысьысла куш броткыны и кужö? Ворсöдны-тö челядьтö сямыс оз нин тырмы?

К.п.: Но-тö Ёма шуан жö! Тэысь на ме вöраса да пельк! Петкöдла колök! Менам аскöд эм кузь гез. Ставөн сувтам кытшö да кутчысям кыкнан кинас. А ме кытш шöрті кута ветлыны да инмöдчöмөн тиянлысь киястö «кынтыны». Тиян мог — китö удитны вештыны гез вылысь, но сöмын öтисö (мöдас Кöдзыд пöльыд оз нин вермы вартны-кынтыны)! Кыкнансö-кö вештанныд либö кияд тапка — Кöдзыд пöль пыдди лоанныд да водзö ті нин кияс кутанныд кыявны.

*Мунö «Гезйөн ворсöм» (Юргö шылад).*

К.п.: Ок и сюсьöсь, челядьпиян! Мудзтöдінныд Кöдзыд пöльтö!

Л.: Кöдзыд пöль, татшöм бура ворсöм- сылöмсьыд кöнкö и козиньяс тэ вайин?

К.: Вайи, вайи! Чайта кывбурьястö дасьтінныд? Ок и радейта ме тиянöс кывзыны!

Л.: Кöдзыд пöль, вай тэ босьт ассьыд козина мешöктö, пукси коз дорö, а ми челядькöд да мам-батькöд мича кытшын (*полукруг*) кутам сулавны, медым тэнад выльвося гезйыд и водзö миянöс öтувтас! Кодлысь нимсö Кöдзыд пöльыд шуас, сійö и

матыстчас Кӱдзыд пӱль дорас да висьталас дасьтӱм кывбур. Сӱмын козин босьтӱм борын корам бӱр сувтны ас местаӱ да кывзыны и ӱртӱн висьталантор! Сӱрнитчим?! Ӳма-сан, вай отсышт миянлы козиньяссӱ сетапны!

Ӳ.: Отсала, отсала, друг и мен мыйкӱ усышптас да ЦИӱс гӱститӱда тшӱтш!

*Кывбурьяс лыддьӱм.*

Ӳ.: (*став козин сетӱм бӱрти*). Дона войтыр, быдлаын, абу сӱмын Китайын, эм выль традиция — гаж дырйи вӱчны ӱтувья фото! Вай мичаа сувтам да снимайтчам!

*Ӳтувья фото вӱчӱм.*

К.п.: Дона челядь да верстьӱ! Воис кад миянлы Лымнывкӱд водзӱ петны туйӱ!

Сиа тиянлы бура панывавны Выль во! Сьӱлӱмсянь гажӱдчыны да кыпыда уджавны!

Л.: Ставыс, мый кӱсьянныд — олӱмад збыльмас мед! Шудыс, мед шыр моз, поздыяс тиян керкаын да бур выль лача пыр лоас!

Ӳ.: Китаечьяс шуӱны, мый сьӱмтӱ бурджык нажӱвитны бокин, а Выль вотӱ панывавны колӱ матыссяскӱд.

Сиа, мед кыдзи коми мойдын, шырлы вомас тӱ эн сюрӱ, видзӱй асьнытӱ да матыссястӱ! Бура кольчыны, а ме муна водзӱ велӱдны, ӱд менам ӱнӱ эм аслам ДАО — ордым.

К.п.: Выль воӱн!

Л.: Выль шудӱн!

Ӳ.: Аддысьлытӱдз!

*Юргӱ шылад. Геройяс мунӱны. Тшай юӱм.*